



ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՍՐԲԱԶՆԱԳՈՒԹՆ ՊԱՏՐԻԱՐԺ ԱԼԵԿՍԻԻ ՊԱՏՎԻՐԱԿՈՒԹՅՈՒՆԸ ՄԱՅՐ ԱԹՈՒՈՒՄ



այսի 28-ին Մայր Աթոռ ժամանեց Մոսկվայի և Համայն Ռուսիո Պատրիարք Նորին Ս. Օծուկյուն Ալեքսիի պատվիրակությունը, որի կազմի մեջ մտնում էին Կազանի թեմի Առաջնորդ Գերմոգեն Արքեպիսկոպոսը և Մոսկվայի Հոգևոր ճեմարանի դասախոս՝ դոցենտ Ն. Դոկուտովը։

Ս. Սահակ ծայրագույն վարդապետի գլխավորությամբ Մայր Աթոռի ամբողջ Միաբանությունը շուրջառնելով զգեստավորված հյուրերին դիմավորեց Տաճարի զանգակատան տակը. ապա հյուրերը հանդիսավորությամբ Տաճար առաջնորդվեցին, ուր Ս. Իշման սեղանի առաջ ռուսերեն լեզվով նրանց բարի գալուստ մաղթեց Ս. Սահակ ծայրագույն վարդապետը։ Դիմելով հյուրերին Ս. Հայրն ասաց.—

— Ձերդ Բարձր Սրբազնություն և Թանկագին հյուրեր, ինձ բախտ վիճակվեց Մայր Աթոռի Միաբանության անունից ողջունել Ձեզ այս նշանակալից օրը, հնադարյան մեր այս սրբազան Տաճարի կամարների տակ։ Մայր Աթոռի Միաբանությունը այսօր երջանիկ է զգում իրեն, որ այս սուրբ վայրում, ուր վեհոքն փայլում է Գրիգոր Լուսավորչի հնադարյան սրբավայրը, դիմավորում է Ձեզ, Համայն Ռուսիո Սրբազնագույն Պատրիարք Ալեքսիի պատվիրակներին։

Աղոթում ենք Ամենաբարձրյալին քրիստոնեական եկեղեցիների բարօրության և Սուրբության Հայրենիքի բարգավաճման համար։

Մենք միշտ մեր սրտերում անմոռաց կը պահենք Ձեր Ս. Էջմիածին կառարած Թանկագին այցելության հետ կապված հիշողությունները։

Բարի գալուստ, մեր Թանկագին հյուրեր։
— Ս. Սահակ ծայրագույն վարդապետի ող-

ջունից հետո Նորին Սրբազնություն Գերմոգեն Արքեպիսկոպոսը Մոսկվայի և Համայն Ռուսիո Պատրիարք Ալեքսիի անունից ողջույններ և բարեմաղթություններ հաղորդեց Մայր Աթոռի Միաբանությանը, իր ողջույնի խոսքն ուղղելով Միաբանության անդամներին Սրբազանն ասաց.—

— Ձերդ Բարձրապատվություն, վարդապետ հայրեր և դուք հոգևոր սպասավորներ Հայաստանի Լուսավորիչ Ս. Գրիգորի նվիրական վանքի, թույլ տվեք Մոսկվայի և Համայն Ռուսիո Սրբազնագույն Պատրիարք Ալեքսիի անունից Ձեզ ողջույններ ու բարեմաղթություններ հաղորդել Ռուս Ուղղափառ Եկեղեցու քույր Հայ Եկեղեցուն արժանավորությամբ սպասավորելու համար։

Դուք շնորհապարտ գործ եք կատարում, որ կապված է Միածնի Տաճարի, քրիստոնեական կոլտուրայի այս հնադարյան կոթողի, հավերժ պահպանության ու պաշտպանության հետ։

Աղոթում եմ Ամենաբարձրյալին և մաղթում Ձեզ, Սրբազնագույն Գևորգ Զ Կաթողիկոսի իմաստուն զեկավարությամբ, արժանավոր կերպով վարել Ձեր հոգևոր գործերը ի բարօրություն Քրիստոնեական Եկեղեցու և մեր հանուր Հայրենիքի։

Սրբազանն իր գոհունակությունը հայտնեց նաև իրենց ցույց տրված սիրալիր ընդունելության համար և վեղարագուրկ մոտեցավ ու համբուրեց Ս. Իշման սեղանը։

Այնուհետև հյուրերը հանդիսավորությամբ վեհարան առաջնորդվեցին, ուր վեհափառ Հայրապետին ներկայացան Ս. Սահակ ծայրագույն վարդապետի առաջնորդությամբ։

Վեհափառ Հայրապետը հյուրերին սիրալիր ընդունելություն ցույց տվեց։ Նորին Ս. Օծուկյունը Սրբազան Գերմոգենի հետ ող-

ջադուրվելուց հետո, ի պատիվ Համայն Ռուսիո Պատրիարք Ալեքսի, առաջարկեց բազմել իր կողքը դրված հոտով բազկաթոռի վրա:

Գերմոգեն Սրբազանը հոտնեկայս հետաքրքրվեց Վեհափառ Հայրապետի առողջությանը, և փառաբանեց Աստծուն, որ Վեհափառն իրեն լիակատար առույգ ու առողջ է զգում: Ալեքսարդ Հայրապետը, իր հերթին, հաճեց իմանալ, ինչ ինչպես է զգում իրեն Համայն Ռուսիո Սրբազնապետյն Պատրիարքը: Գերմոգեն Սրբազանից զոհացուցիչ տեղեկություններ ստանալով, Վեհափառը երջանիկ կյանք և արեւատուություն մաղթեց Համայն Ռուսիո Պատրիարք Ալեքսիին:

Այնուհետև Գերմոգեն Սրբազանը հայտնեց, որ ինքը երջանիկ է անձամբ Նորին Վեհափառությանը հաղորդելու Համայն Ռուսիո Պատրիարք Ալեքսիի ջերմագին ողջույններն ու սրտանց բարեմաղթությունները, և որ պատվիրակությունը էլմիածին է ժամանել Սրբազնապետյն Պատրիարք Ալեքսիի անունից Նորին Ս. Օծությունը Մոսկվա հրավիրելու Ռուսաց եկեղեցու ինքնուրույնության 500-ամյակի առթիվ սույն թվի հուլիսի 8—20 Մոսկվայում կայանալիք հոբելյանական տոնախմբությանը ներկա գտնվելու համար: Այս առևելով Սրբազանը Վեհափառին մատուցեց Ալեքսի Պատրիարքի հրավիրագիրը:

Վեհափառ Հայրապետը այս առթիվ իր զոհունակությունը հայտնեց և ցանկացավ, որ պատվիրակության միջոցով նախ իր անկեղծ բարեմաղթություններն ու սրտաբուխ ողջույնները հաղորդվեն Համայն Ռուսիո Սրբազնապետյն Պատրիարք Ալեքսիին, ինչպես և այն մասին, որ ինքը հաճությամբ ընդունում է Նորին Ս. Օծության հրավերը Ռուսաց քույր եկեղեցու այդ մեծ ու նշանակալից տոնախմբությանը ներկա գտնվելու առթիվ:

Ապա Վեհափառը և հյուրերը բազմում են իրենց տեղերում. Վեհափառը Ալեքսի Պատրիարքի հրավիրագիրը ընթերցելուց հետո հայտնում է, որ այս հրավերը դիտում է որպես մեծ պատիվ, արված ոչ թե իր անձի, այլ Հայ եկեղեցու հանդեպ, և որ ինքը կըրկին անձամբ հավաստիացնում է պատվիրակությանը այն իր կողմից հաճույքով ընդունելու մասին:

Սրբազանը խնդրում է Վեհափառին պատիվ անել իր հաճությունը գրավոր ևս հաղորդելու Համայն Ռուսիո Սրբազնապետյն Պատրիարքին: Վեհափառը խղատանում է հաջորդ օրը կատարել պատվիրակության խնդիրը, որ և կատարում է:

Այնուհետև Վեհափառի և հյուրերի միջև տեղի է ունենում մտերմական խոսակցություն եկեղեցական խնդիրների շուրջը:

Այս պաշտոնական այցելությունից հետո հյուրերը Սահակ ծայրագույն վարդապետի ուղեկցությամբ դիտում են Տաճարը և նրան կից Թանգարանը, ապա այցելում են Հոգևոր Հեմարանը, ուր մանրամասն ծանոթանում են Հեմարանի ուսումնական ծրագրերի, ուսուցման դրվածքի, սանիթի կենցաղի և այլ խնդիրների հետ:

Ճաշին հյուրերը հրավիրվում են Վեհափառն, ուր ընդհանուր ճաշասեղանի շուրջը մտերմական խոսակցությունները շարունակվում են Վեհափառի, հյուրերի և ճաշին ներկա գտնվող միաբանների միջև:

Երեկոյան հյուրերը հաճույալից տրամադրության տակ հրաժեշտ են անում Վեհափառ Հայրապետից և մեկնում Երևան:

Հաջորդ օրը հյուրերը ՀՍՍՌ Միությանը Սովետին կից Հայ եկեղեցու գործերի հորհրդի աջակցությամբ մեքենայով պատում են Երևան քաղաքում և ծանոթանում մեր մայրաքաղաքի հայտուն վերելքին ու շինարարությանը. այցելում են Մատենադարանը, որտեղ այցելուների մատյանում իրենց հիացմունքն են արձանագրում: Հյուրերը այցելում են նաև Արզնի-կուրորտը, ուր աշխատակիցները նրանց սիրալիր ընդունելություն են ցույց տալիս. հյուրերն այստեղ հանքային ջրի լողարան ընդունելուց և կուրորտը դիտելուց հետո, շափազանց բարձր գնահատելով բուժման գործի դրվածքը և բուժ-աշխատողների հոգատարությունը, քաղցր տպավորության տակ թողնում են Արզնին: Հյուրերի վրա մեծ տպավորություն են թողնում մանավանդ Երևանի հոյակապ շինարարությունը, վարդապետյն տներով եզերված, ծառազարդ պողոտաները, էլեկտրալուսերով ողողված հրապարակները, փողոցներն ու պուրակները:

Մայիսի 30-ին հյուրերը Երևանից մեկնում են Մոսկվա:

